

Zeitschrift: Nebelspalter : das Humor- und Satire-Magazin
Band: 87 (1961)
Heft: 11

Illustration: Auf gute Zusammenarbeit!
Autor: Behrendt, Fritz

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 11.05.2025

ETH-Bibliothek Zürich, E-Periodica, <https://www.e-periodica.ch>



Auf gute Zusammenarbeit!

Um Hitzsch fi Mainig



Wüssand Iar, was a *Molkiball* isch? Sihhar nitta. I sälbar waiß as au eersch sit a paar Taag. Drumm will i gääran aswas vum Molkiball varzella.

A Ball isch, wemma zeersch ins Portmanee iina luagat, ob no aswas dinnan isch, denn in siini Suntigshuttla iinaschließ, dar Schatz untar dan Aarm nimmt und goot go Schrägla. Und a schtaili Soola uff zParkhett legga tuat.

A Molkharej isch, wemma uss dar Milchschemmi a Khäas- und Puttarschwemmi mahha tuat. Well abar zKhäasa und zPuttara nitt so aifach isch wia zTanza, gitts zZollikhoofa a Molkharejschual. Und däära said ma Molki. Dar Jooras-khurs vu däära Molki macht im April zExaama. Ebba im Khäasa und Puttara und asoo. Noch demm schtrengan Exaama sind abar dia

Purschta nitt öppa müad. Im Gäägatail. Sii findand, sii khönntandi an Schtell vunama Khäas au amool aswas anders umma trööla. Zum Bejschpiil a glatts Maitali. Drumm söll zum Apschluß vu demm Molkharej-Khurs a Ball uufzooga wärda. Ebba dar Molkiball. Sihhar a guati Idee. Uff jeeda Fall wärdand dia Tenzar vu demm Ball um a guats Ballgschpröoch nitt varlääga si. (Fröülain, hend Si dar Khäas gäära ..)

Dia Purschta vu dar Molkharejschual hend jetz schu in iarni Portmanee iina gluagat und gfunda, as hej nüüt drii. Was macht ma hüttzutaag in demm Fall?? Ma hockt häära und schribbt Bättalbrief. Ma welli a Molkiball mahha und hej khai Gäld und sej uff «wohlwollende Spenden angewiesen». Zu demm Bättalbrief leggt man a grüana Iizaaligsschii und varschickht baidas in dar Schwizz umanand. Und denn glaubt ma, as wärdandi sihhar a paar Tummi Pulvar fürra mahha. Schwoofa wend dia Purschta, abar a paar Rappa zemma schpaara – säbb wends nitta. I nimma nitt a, daß

dä Molkiball im Bellwüü zBärn gfiirat wärda sölli. In Zollikhoofa häts abar sihhar a billiga Saal zum Tanza und noch miinara Mainig bringt jeeda Purscht dia paar Rappa zemma, zum siinar Pulla a Limanaada odor a Drejarli Roota zzaala. Und wenn sii Hungar khriagt, denn söll är iara a Porzioon Khäas pschtella, dia khoschtat au nitt alli Wält. I hoffa nu, dää Khäas, wo dSchüalar vu dar Molki Rütli zZollikhoofa mahhand, sej besser als dää Khäas, wos mit iarnam Bättalbrief

für da Molkiball loosloo hend. Sus müaßti no aafanga Edamar zfräsa

Wenn... wenn... wenn... wenn...

Wenn man ans Ziel kommen will, kann man in der Postkutsche fahren; aber wenn man reisen will, muß man zu Fuß gehen.

● J. J. Rousseau

Wenn nur die bezahlten Autos auf unsern Straßen rollen dürften – wie wäre das Wandern eine Lust!

● Die Woche

Wenn er den Schalter aufdreht und das elektrische Licht erstrahlt, spielt sich der Mensch als Schöpfer auf.

● Anita

André Maurois sagte:

Wer mit sechzehn Jahren nicht revolutionär ist, hat mit dreißig nicht mehr genügend Schwung, um einen Feuerwehrhauptmann abzugeben.



... 2 Millionen Franken fielen mir zu*

* so freudig schreibt nur **HERMES**